

女科準繩

調經門

閉

經閉

陰陽別論云二陽之病發心脾有不得隱曲女

子不月其傳為風消為白黃者死不治 潔古曰女

月事不來者先瀉心丸血自下也內經曰二陽之

病發心脾有不得隱曲臣女子不月其傳為風消王

允注曰大腸胃熱也心脾受之心主血心病則血

流脾主味脾病則味不化味不化則精不足故其

病則不能隱曲脾土已虧則風邪勝而氣愈消也又

經曰月事不來者胞脈閉也胞脈屬於心絡於胞中





經閉

內經陰陽別論云二陽之病發心脾有不得隱曲女子不月其傳爲風消爲息賁者死不治 潔古曰女子月事不來者先瀉心火血自下也內經曰二陽之病發心脾有不得隱曲故女子不月其傳爲風消王啟元注曰大腸胃熱也心脾受之心主血心病則血不流脾主味脾病則味不化味不化則精不足故其病則不能隱曲脾土已虧則風邪勝而氣愈消也又經曰月事不來者胞脉閉也胞脉屬於心絡於胞中今氣上迫肺心氣不得下通故月事不來先服降心

火之劑後服局方中五補丸後以衛生湯治脾養血也 李東垣曰經閉不行有三補前人之闕 婦人

脾胃久虛形體羸弱氣血俱衰而致經水斷絕不行

或病中消胃熱善食漸瘦津液不生夫經者血脉津

液所化津液既絕為熱所燥肌肉漸瘦時見渴躁血

海枯竭名曰血枯經絕宜瀉胃之燥熱補益氣血經

自行矣此病或經適行而有子子亦不成而為胎病

者有矣 此中焦胃熱結也 或心包絡脉洪數躁作時見大

便秘澀小便雖清不利而經水閉絕不行此乃血海

乾枯宜調血脉除包絡中火邪而經自行矣 此下焦胞脉熱



也結或因勞心心火上行月事不來者胞脉閉也包

脉者屬於心而絡於胞中今氣上迫肺心氣不得下

通故月事不來宜安心補血瀉火經自行矣此上焦

也結裴澤之夫人病寒熱月事不至者數年又加喘

嗽醫者率以蛤蚧桂附投之曰不然夫人病陰為陽

所搏温劑太過故無益反害投以涼劑涼血和血藥

則行矣已而果然

五補丸局方補諸虛安五臟堅骨髓養精神

熟地黃

人參

牛膝

酒浸去蘆焙乾

白茯苓

地骨皮

各等分

右為細末煉蜜丸如梧子大每服三五丸溫酒  
下空心服

衛生湯

當歸

白芍藥 各貳兩  
黃芪 叁兩

甘草 壹兩

右為末每服半兩水二盞煎至一盞溫服空心如  
虛者加人參壹兩

右東垣潔古治血枯之法皆主於補血瀉火也補  
血者四物之類瀉火者東垣分上中下故火在中  
則善食消渴治以調胃承氣之類火在下則大小

秘澀治以玉燭之類玉燭者四物與調胃承氣等分也火在上則得於勞心治以芩連及三和之類三和者四物涼膈法歸等分也潔古先服降心火之劑者蓋亦芩連三和玉燭之類後服五補衛生者亦補氣之劑也

素帝曰有病胸脇支滿者妨於食病至則先聞腥臊臭出清液先唾血四肢清目眩時時前後血病名爲何何以得之岐伯曰病名血枯此得之少年時有所大脫血若醉入房中氣竭肝傷故月事衰少不來也帝曰治之柰何岐伯曰以四烏鯁骨一蘆茹二味并



合之丸以雀卵大如小豆以五丸為後飯飲以鮑魚

汁利腸中及傷肝也

腹中論。王註云烏鰂魚骨主血閉。蔥茹主散惡血。雀卵主血。

痿鮑魚主瘀血。河間宣明論方烏鰂骨、蔥茹各等分

雀卵不拘數和丸。小豆大每服五丸至十九丸煎鮑魚

湯下食後日三

服壓以美膳

### 右岐伯河間治血枯之法

丹血枯經閉者四物湯加桃仁紅花

陰虛經脈久

不通小便短澀身疼者四物加蒼朮牛膝陳皮生甘

草作湯又用蒼莎丸加蒼耳酒芍藥為丸就煎前藥

吞下

### 右丹溪治血枯大法

薛夫經水陰血也屬衝任二脉主上爲乳汁下爲月  
水其爲患有因脾虛而不能生血者有因脾鬱傷而  
血耗損者有因胃火而血消爍者有因脾胃損而血  
少者有因勞傷心而血少者有因怒傷肝而血少者  
有因腎水不能生肝而血少者有因肺氣虛不能行  
血而閉者治療之法若脾虛而不行者調而補之脾  
鬱而不行者解而補之胃火而不行者清而補之脾  
胃損而不行者調而補之勞傷心血而不行者靜而  
補之怒傷肝而不行者和而補之肺氣虛而不行者  
補脾胃腎虛而不行者補脾肺經云損其肺者益其

氣損其心者調其榮衛損其脾者調其飲食適其寒  
溫損其肝者緩其中損其腎者益其精審而治之庶  
無誤矣 一婦人停食飽悶發熱或用人參養胃湯  
益甚再用木香檳榔丸泄瀉吐痰腹中成塊飲食少  
思又用二陳黃連厚朴之類前證益甚腹脹不食月  
經不至余以爲胃氣虧損用補中益氣加茯苓半夏  
三十餘劑脾胃健而諸證愈又二十餘劑而經自行  
一婦人飲食後或腹脹或吞酸彼服枳朮丸吞酸  
益甚飲食日少胸膈痞滿腿內酸痛畏見風寒又服  
養胃湯一劑腿內作痛又一劑腿膝浮腫月經不行



余謂鬱結所傷脾虛溼熱下注侵晨用四君二陳芎  
歸午後以前湯送越鞠丸飲食漸進諸證漸愈又用  
歸脾八珍二湯兼服兩月餘而經行 一婦人性沈  
多慮月經不行胸滿少食或作脹或吞酸余以爲中  
氣虛寒用補中益氣加砂仁香附煨薑二劑胸膈和  
而飲食進更以六君加芎歸貝母桔梗生薑大棗數  
劑脾胃健而經自調矣 一婦人素有胃火或用清  
胃散而安後因勞役躁渴內熱肌肉消瘦月經不行  
余謂此胃火消燦陰血用逍遙散加丹皮炒梔以清  
胃熱用八珍湯加茯苓遠志以養脾血而經自行矣

一婦人久患瘧形體怯弱內熱晡熱自汗盜汗飲食少思月事不行或用通經丸虛證大具余曰此因虛而致瘧因瘧以閉經也用補中益氣及六味地黃丸各百餘劑瘧愈而經行 一婦人久患瘧瘧作則經不行形虛脉大頭痛懶食大便泄瀉小便淋瀝口乾唇裂內熱腹膨蓋由久瘧正氣已虛陰火獨旺用補中益氣湯治之尋愈惟不時頭痛乃加蔓荊子而痛止又兼用六味地黃丸而經行 一婦人因勞耳鳴頭痛體倦此元氣不足用補中益氣加麥門五味而痊三年後得子因飲食勞倦月經不行晡熱內熱

白汗盜汗用六味地黃丸補中益氣湯頓愈 一婦  
人胃氣素弱爲哭母吐血咳嗽發熱盜汗經水三月  
不行余以爲悲則傷肺思則傷脾遂朝服補中益氣  
加桔梗貝母知母夕用歸脾湯送地黃丸而愈 一  
癩婦少寐經水兩月餘一至誤服通經丸展轉無寐  
午前惡寒午後發熱余以爲思慮虧損脾血用歸脾  
湯作丸午前以六君送下午後以逍遙散送下兩月  
餘得寐半載經行如期年餘而瘡愈

右薛氏治血枯大法以補養真元爲主蓋本易水  
師弟之旨而廣之王道也



下利經斷者利自止

脈問曰婦人病下利而經水反斷者何也師曰但當

止利經自當下勿怪所以利不止而血斷者但下利

亡津液故經斷利止津液復經當自下 問曰婦人

病經水斷一二月而反經來今脈反微澀何也師曰

此前月中若當下利故令妨經利止月經當自下此

非軀也 婦人血下咽乾而不渴其經必斷此榮不

足本自有微寒故不引飲渴而引飲者津液得通榮

衛自和其經必復下

仲婦人之病因虛積冷結氣為證經水斷絕至有歷

有腹痛 嘔痞 汗血

年血寒積結胞門寒傷經絡凝堅在上嘔吐涎沫久

老痰

成肺癰形體損分在中盤結繞臍寒疝或兩脇疼痛  
與臟相連或結執中病在關元脉數無瘡肌若魚鱗  
時着男子非止女身在下未多經候不勻令陰掣痛  
少腹惡寒或引腰脊下根氣衝氣衝急痛膝脛疼煩  
奄忽眩冒狀如厥顛或有憂慘悲傷多嗔此皆帶下  
非有鬼神久則羸瘦脉虛多寒三十六病千變萬端  
審脉陰陽虛實緊弦行其針藥治危得安其雖同病  
脉各異源子當辨記勿謂不然

汚血

丹經候過期不行杜牛膝搗汁大半鍾以元胡末壹  
錢香附末枳殼末各半錢早調服

大萬病丸 治經事不來繞臍痛

乾漆

杵碎炒烟

牛膝

去苗酒浸一宿焙乾各壹兩

右為末以生地黄汁壹升入二味藥末銀器內慢火熬可丸即丸如桐子大每服二丸空心米飲或

温酒下

土牛膝散 治婦人室女血閉不通五心煩熱

土牛膝

當歸尾 各壹兩

桃仁 去皮麩炒另研

紅花 各半兩

右為細末每服二錢空心温酒下

當歸乾漆丸療月經不利臍下愆逆氣脹滿

見調經門月水不利



治月經壅滯臍腹疔痛

當歸

元胡索

右為麤末每服三錢薑三片水一鍾半煎至七分

去滓稍熱服

當歸散 治血脈不通

當歸

穿山甲

灰炒

蒲黃

炒各半兩

辰砂

另研壹錢

麝香

少許

右為細末研勻每服二錢食前熱酒調下

琥珀散

治心膈迷悶腹臍撮痛氣急氣悶月信不

通等疾

天台烏藥

貳兩當歸

莪朮

各壹兩

右爲細末每服二錢温酒調下後以食壓之忌生  
冷油膩產後諸疾炒薑酒調下

小腸移熱於大腸爲伏瘕爲沉

王註云血澀不利則月事沉滯而不行

聖治婦人月水澁滯不快結成瘕塊筋脹大欲死用

馬鞭草根苗五斤剉細水五斗煎至一斗去查別以

淨器盛熬成膏食前温酒調下半匙

本草云馬鞭草辛涼破血瘕

羅血極膏治婦人乾血氣以川大黃爲末用醎醋熬

成膏子丸如鷄頭大每服一丸酒化開臨卧温服大

便利一二行後紅脉自下是婦人之仙藥也加當歸

頭

仲婦人經水不利抵當湯主之

亦治男子膀胱滿急有瘀血者方見傷寒

畜血

產寶方

治月經不通腹中痛

牛膝

陸分

大黃

桃仁

去皮尖炒

細辛

各伍分

川芎

當歸

各肆分

水蛭

叁分糯米炒黃

右為細末煉蜜丸梧子大每服二十九空心溫酒

下

千金桃仁煎

治血積癥瘕月水不行



大黃 濕紙裏蒸 朴硝

苑仁 製炒 各貳兩

蚶蟲 壹兩去足 翅炒黑

右為細末醋二升半銀石器中慢火熬膏却入大黃桃仁蚶蟲末不住攪度可丸却入朴硝再攪良久出之丸如梧子大五更初溫酒下五丸至日午取下如赤豆汁雞肝蝦蟇衣樣候鮮紅住服仍以調氣藥補之

三稜丸 治婦人經脈不通氣痛帶下兼治血瘕

三稜 醋炒 川芎 牛膝

元胡索 蓬朮 醋炒 蒲黃

菴藷

牡丹皮

芫花

醋炒

白芷

當歸

地龍

去土酒浸炒

乾薑

炮各壹兩

大黃

貳兩為末以米醋熬成膏和藥

右為細末以大黃膏和丸如梧子大每服三五十

丸空心醋湯下或紅花煎酒下

右經一節方七首皆治汚血有熱而經閉前一

輕劑後六方重劑也

汚血有寒

雲

紅花當歸散

治婦人經候不行或積瘀血腰腹

疼痛及室女月經不通

紅花

當歸尾

紫葳

牛膝

甘艸

蘇木

細剉各貳兩

赤芍藥

玖兩

劉寄奴

伍兩

桂心

白芷

各壹兩半

右爲細末空心熱酒調三錢服之食前臨卧再服若久血不行濃煎紅花酒下孕婦休服一名凌霄

花散卽紫葳

牛膝散

見調經門月水不利條

溫經湯

見前調經門

桂枝桃仁湯

治婦人月事不通小腹膨脹疼痛

見前

調經門腹痛條

牡丹散

見前調經門月水不利條

通經丸

本

治婦人室女月候不通或成血瘕

本草入雜

子清同丸畏漆入腸胃生瘡也

桂心

青皮

去白

大黃

炮

乾薑

炮

川椒

炒出汗

川烏

炮

蓬莪朮

乾漆

炒烟盡

當歸

桃仁

製炒各等分

右為末先將四錢用米醋熬成膏和餘六錢末成劑曰中枿丸如桐子大晒乾每服二十九用淡醋湯下加至三十九温酒亦得空心食前服濟生去川烏加紅花等分



滋血湯 治勞動致臟腑衝任氣虛不能約制經血  
 以致崩中或下鮮血或下五色連日不止淋漓不  
 斷形羸血劣倦怠困乏月水閉絕

馬鞭草

牛膝

荆芥穗

各貳兩

當歸

肉桂

牡丹皮

赤芍藥

川芎

各壹兩

右每服四錢烏梅一箇水二盞煎一盞食前服日  
 進四五服服至半月或一月經脉自通

右方七首皆治汚血有寒而經閉前四方輕劑後  
 二方重劑也

結痰

大治月水不通屢試有驗厚朴不以多少薑汁炙香

細切濃煎去渣空心服不過三四劑瘥形實氣盛者宜之

丹積痰傷經不行夜則妄語

瓜蒌子 壹兩 黃連 半兩

吳茱萸 拾兩

桃仁 伍拾粒 紅麴 貳錢

縮砂 叁兩

山查末 壹兩

右生薑汁研炊餅為丸

軀脂滿經閉導痰湯加芎連不可服地黃如用薑汁

拌炒導痰湯即二陳加枳實黃連是也

楊村婦人年二十餘兩年經閉食少乏力

經閉

黃連 貳錢

白朮 壹錢半

陳皮

滑石 各壹錢

黃芩 半錢

木通 叁分

桃仁 拾貳箇

甘草 炙少許

此方分兩有訛

右丹溪治痰結胸腹而經閉之法皆用輕劑導痰降火也

經云氣上迫肺則心氣不得下通故月事不來今用連朴之類導痰降火使不上迫於肺故心氣下通而月事來也

丹溪治一婦人久瘧食少經閉兩手無脉每日與三花神祐丸十餘粒津咽之月餘食進脉出又半月脉

愈又一月經行亦此意也詳見久瘧予嘗體丹溪之意治陳氏婦二十餘歲形肥痞塞不食每日卧至未脾吃一盞薄粥吃粥後必吐水半碗仍復卧經不通三月矣前番曾暗通黑色脉之辰時寸關滑皆有力午後關滑寸不滑詢之因乘怒飲食而然遂以白朮壹兩半厚朴黃連枳實各壹兩半夏茯苓陳皮山查人參滑石各捌錢縮砂香附桃仁各半兩紅花貳錢分作十貼每日服一貼各人薑汁二蜆殼間三日以神祐丸神秘沉香丸微下之至十二日吐止食漸進四十日平復如故又汪氏婦三十餘形瘦亦痞不食

吐水經不通以前藥方加參朮歸爲君煎熟入竹瀝半盞薑汁服之但不用神佑丸下亦平復若咳嗽寒熱而經閉者當於欬門濕痰條求之

子和凡婦人月事不來用茶調散吐之次用玉燭散芎歸湯三和湯桂苓白水散之類降心火益腎水開胃進食分陰陽利水道之藥也 一婦人月事不行寒熱往來口乾頰赤飲食少且暮間欬一二聲諸醫皆用蚺蟲水蛭乾漆礪砂芫青紅娘子沒藥血竭之類惟戴人不然曰古方雖有此法柰病人服之必臍腹發痛飲食不進乃命止藥飲食少進內經曰二陽



之病發心脾心受之則血不流故女子不月既心受積熱宜抑火升水流濕潤燥開胃誘食乃涌出痰一二升下泄水五六月行濕水上下皆去血氣自然湍流月事不爲水濕所隔自依期而至矣亦不用蚩蟲水蛭之類有毒之藥如用之則月經總來小溲反閉他證生矣凡精血不足宜補之以食大忌有毒之藥偏勝而致天闕多矣 一婦人年三十四歲經水不行寒熱往來面色痿黃唇焦頰赤時咳三二聲問其所服之藥黑神散烏金丸四物湯燒肝散鼈甲散建中湯甯肺散針艾千百轉劇家人意倦不欲求治戴人

憫之先涌痰五六升午前涌畢午後食進餘證悉除  
後三日復輕涌之又去痰一二升食益進不數日又  
下通經散瀉訖一二升後數日去死皮數重小者如  
麪片大者如葦膜不月餘經水自行神氣大康矣

月事不來者胞脉閉也胞脉者屬心而絡於胞中今  
氣上迫肺心氣不得下通故月事不來也

全文見水腫

大室女月水不來用雄鼠屎一兩燒存性爲細末空  
心温酒調下一錢神効

海掌中金丸 治婦人乾血氣

穿山甲 炮

甘草

苦丁香

川椒

苦苧藤

白附子

猪牙皂角

草烏頭

各參錢

巴豆

壹錢全用研

右為細末以生蔥絞汁和丸彈子大每用一九新綿包之內陰中一日即白二日即赤三日即血神

効

仲婦人經水閉不利臟堅癖不止中有乾血下白物

礬石丸主之

礬石

叁錢燒

杏仁

壹分

右二味末之煉蜜丸棗核大內臟中劇者再內之室女經閉成勞寇宗奭曰夫人之生以氣血為本人

之病未有不先傷其氣血者若室女童男積想在心思慮過度多致勞損男子則神色消散女子則月水先閉蓋憂愁思慮則傷心而血逆竭神色先散月水先閉且心病則不能養脾故不嗜食脾虛則金虧故發嗽腎水絕則木氣不榮而四肢乾痿故多怒鬢髮焦筋骨痿若五臟傳徧則死自能改易心志用藥扶持庶可保生切不可用青蒿蚩蟲等涼血行血宜用柏子仁丸澤蘭湯益陰血制虛火 薛經云五穀入於胃其糟粕津液宗氣分爲三隧故宗氣積于胸中出於喉嚨以貫心肺而行呼吸榮氣者泌其津液注

之於脉化以爲血以榮四末內養五臟六腑若服苦  
寒之劑復傷胃氣必致不起 一室女年十七癩久  
不愈天癸未通發熱咳嗽飲食少思欲用通經丸余  
曰此蓋因稟氣不足陰血未充故耳但養氣血益津  
液其經自行彼惑於速効仍用之余曰非其治也此  
乃剽悍之劑大助陽火陰血得之則妄行脾胃得之  
則愈虛後果經血妄行飲食愈少遂致不救

柏子仁丸

大

治如上證兼服澤蘭湯

柏子仁

炒另研

牛膝

卷柏

各半兩

澤蘭葉

續斷

各貳兩

熟地黃

叁兩



為細末煉蜜丸如梧子大空心米飲下三十九丸  
澤蘭湯

澤蘭葉 參兩

當歸

芍藥 各壹兩

甘草 半兩

為麤末每服五錢水二盞煎一盞溫服

沉香鼈甲散 室女經候凝滯或頭目昏悶停痰五

心虛煩少食多困

沉香

甘草 炙

檳榔 各參分

木香

常山

當歸

柴胡

人參

半夏

桂心

生地黃

白茯苓

青皮

淨陳皮

各壹兩

鼈甲

壹兩半

右為細末每二錢薑二片水煎七分空心溫服  
劫勞散 療心腎俱虛水火不交初則微嗽遇夜發  
熱即冷有盜汗倦怠瘦弱減食恍惚或微嗽唾中  
有紅線名曰肺痿為不治

白芍藥

陸兩

黃芪

甘草

人參

當歸

半夏

白茯苓

北五味子

阿膠炒

熟地黃

洗各貳兩

右咬咀每三大錢水盞半薑十二片棗三枚煎溫服百藥不効一料除根

麥煎散 治少男室女骨蒸婦人血風攻疰四肢心

胸煩壅口臭肌熱盜汗

鼈甲

大黃煨

常山

赤茯苓

柴胡

白朮

當歸

乾漆炒煙盡

生地黃

石膏各壹兩

甘草半兩

石為細末每服二錢水一盞小麥五十粒食後臨

卧溫服有虛汗加麻黃根一兩

牡丹散

和劑

治血氣虛損內則月水不行外發潮熱

肢體羸困漸成骨蒸

乾漆

炒貳兩

蘇木

蓬莪朮

鬼箭

各壹分

甘草

當歸

桂心

牡丹皮

芍藥

延胡索

炒

淨陳皮

紅花

烏藥

沒藥

別研各壹兩

右咬咀每服三錢水一盞煎七分溫服無時

六神湯

御藥

治血氣不足肌體煩熱四物湯加黃芪

地骨皮各等分咬咀水煎

又治衝任虛損月水不

行肌膚發熱如瘵狀四物湯各一兩柴胡半兩黃芩一分水煎

桃仁散 治婦人女子血閉不通五心煩熱

紅花

當歸

桃仁

炒

牛膝

各等分

右爲末每服三錢酒調下空心服

脉師曰有一婦人將一女子年十五所來診言女子年十四時經水自下今經反斷其母言恐怖師曰若是夫人親女必夫人年十四時亦以經水下所以斷此爲避年勿怪後當自下此真氣猶怯稟賦素弱而然也宜固天元真氣使水升火降則五臟自和而經



脉通矣 又方

鹿茸 山茱萸 當歸各肆兩 麝香壹兩

為細末入麝香拌勻和酒糊為丸每服百丸或五

十九丸温酒鹽湯任下

針灸心經脉不通已有寒熱此穴大効 三陰交三分

立有効如疼時乃經脉要通也

摘經脉不通心術 曲池 支溝 三里 三陰交

此四穴壅塞不通則瀉之如虛耗不行則補之

集月經斷絕 中極 三陰交 腎俞 合谷

東又法 四滿在丹田傍一寸半

天斗

六一經閉

心經脉不通變成痲證飲食如常腹漸大如蠱氣

海

用針通管去其瀉水惡物

陰交

取法亦如上去其惡物

甲月水不通奔泄氣上下引脊脊痛氣穴主之 女

子不下月水照海主之 婦人少腹堅痛月水不通

帶脉主之 月水不利見血而有身則反敗及乳腫

臨泣主之

診腎脉微瀆為不月

血崩 殺血心痛附

大法丹紫色成塊者血熱四物加黃連柴胡之類  
氣虛血虛者皆於四物內加參芪 急則治其標白  
芷湯調百草霜甚者棕櫚灰後用四物加炒乾薑調  
理因勞者用人參帶升補藥因熱者用黃芩因寒者  
用炒乾薑 戴血大至曰崩中或清或濁或純下瘀  
血或腐勢不可止證狀非一所感亦異甚則頭目昏  
暈四肢厥冷並宜膠艾湯嚙震靈丹佐以三灰散或  
以童子小便煎理中湯或以沉香降氣湯加入百草  
霜米飲調下血崩甚而腹痛人多疑惡血未盡又見

血色瘀黑愈信惡血之說不敢止截大凡血之爲患欲出未出之際停在腹中卽成瘀色難盡以瘀爲惡又焉知瘀之不爲虛冷乎若必待見瘀血之後截之恐併與人無之矣此腹痛更有說瘀而腹痛血通而痛止崩而腹痛血住則痛止宜芎歸湯加乾薑熟附一錢止其血而痛自止仍以刺花繡拭黑片燒灰研末米飲調下一方以毛蟹殼燒存性米飲下亦有以早黃麻根燒灰爲末米飲下

薛經云陰虛陽搏謂之崩又云陽絡傷則血外溢陰絡傷則血內溢又云脾統血肝藏血其爲患因脾胃虛損不能攝血歸源

或因肝經有火血得熱而下行或因肝經有風血得風而妄行或因怒動肝火血熱而沸騰或因脾經鬱結血傷而不歸經或因悲哀太過胞絡傷而下崩治療之法脾胃虛弱者六君子湯加當歸川芎柴胡脾胃虛陷者補中益氣湯加酒炒芍藥山梔肝經血熱者四物湯加柴胡山梔苓朮肝經風熱者加味逍遙散或小柴胡湯加山梔芍藥丹皮若怒動肝火亦用前藥脾經鬱火者歸脾湯加山梔柴胡丹皮哀傷胞絡者四君子湯加柴胡升麻山梔故東垣丹溪諸先生云凡下血證須用四君子以收功斯言厥有旨哉



若大去血後毋以脉診當急用獨參湯救之其發熱潮熱咳嗽脉數乃是元氣虛弱假熱之脉也尤當用人參之類此等證候無不由脾胃先損故脉洪大察其有胃氣受補則可救設用寒涼之藥復傷脾胃生氣反不能攝血歸源是速其危也

經驗簡要治崩中等證 冷者脉緊細手足寒紅去

淡黑或五色當歸建中加白龍骨血竭附子下紫石英丸震靈丹灸火 熱者脉洪四肢溫心煩口苦燥血沸而成用黃芩湯荆芥散或清心蓮子飲加竹瀝生地黃汁甚者生地黃汁磨京墨百草霜冷服 虛

者膠艾湯加麥門冬鹿茸龍骨酸棗仁或養榮湯加  
龍骨血竭送震靈丹 實者腹中痛煮附丸四物湯  
加香附子 心虛者恍惚多夢健忘舌強小便多面  
紅盜汗柏子仁湯酸棗仁湯加龍骨京墨百草霜吞  
靈砂丹又靈砂當歸蓮肉龍骨棗肉丸參湯送下崩  
中作麝香當歸香者心氣已散急服靈砂龍骨等  
有田婦崩中斷下者用大蕪根酒煎清早服生麥中  
如蓬蒿花或云卽薊根也

產寶分陰崩陽崩 受熱而赤謂之陽崩 受冷而  
白謂之陰崩

膠艾湯 治陽崩不止小腹疼痛

見前月水不斷條

固經丸 治陰崩不止

艾葉 醋炒

鹿角霜

伏龍肝

乾薑

各等分  
為末

右銛鹿角膠和藥乘熱丸食後淡醋湯下五十九

丹溪云涎鬱胸中清氣不升故經脉壅遏而降下非

開涎不足以行氣非氣升則血不能歸隧道此論血

泄之義甚明蓋開胸膈濁涎則清氣升清氣升則血

歸隧道不崩矣故其證或腹滿如孕或臍腹疔痛或

血結成片或血出則快止則悶或臍上動其治法宜

痰氣  
汚血  
宜行  
之

開結痰行滯氣消汚血

開痰江氏婦三十歲墮胎後血不止食少中滿倦

怠不起躁煩六脉沉伏而數重取微弦予作怒氣傷

肝感動胃氣 二陳加川芎白朮縮砂二十貼而安

仲旋覆花湯 治半產漏下脉弦而大

旋覆花 參兩 蔥拾肆莖 新絳 少許

右三味以水三升煮取一升頓服之 本草云旋覆

半夏丸 直指 治下血吐血崩中帶下痰喘急滿虛腫

亦消宿瘀百病

圓白半夏刮淨搥匾薑汁調飛白麩作餅包炙

黃色去麩取半夏作末

米糊為丸菜豆大每服十九溫熟水下芎歸湯沉

香降氣湯各半煎送下止血之要藥

干治婦人崩中下血不止以衣中白魚鱗鱗等分為

末以井花水服之日三服瘥

右三方開痰

行氣羅備金散 治婦人血崩不止

香附子 肆兩 炒

當歸尾 壹兩 貳錢

五靈脂 壹兩 炒

右為細末每服伍錢醋湯調空心服立効

本治下血不止或成五色崩漏用香附子春去皮毛



中斷之畧炒爲末每服二錢清米飲調下此方徐朝  
奉傳其內人有是疾徧服藥不効後服此遂愈久服  
爲佳亦治產後腹痛大是婦人仙藥常服益血調氣

大煮附丸

見前調經平劑  
用香附子白芷爲丸

一方

縮砂散 治血崩用縮砂仁不以多少於新瓦上炒

香爲細末米飲調下三錢

右四方行滯氣

消汚血世治血崩用乾荷葉濃煎湯一碗空心服之  
立愈或調醋炒香附末尤妙

五靈脂散 治婦人血崩及治男子脾積氣

五靈脂

不以多少炒  
令烟盡研末

右爲末每服一錢温酒調下此藥兼能解毒及蛇  
蠍蜈蚣咬塗傷處立愈一方每服三錢水酒童便  
各半盞煎至八分通口服名抽刀散治產後有病  
服三服散惡血或心腹脇肋脚痛不可忍者或止  
用童子小便尤佳或中風卽入草烏頭半錢同煎  
亦治腸風下血如不飲酒者煎烏梅柏葉湯調下  
如心煩口乾渴者加蒲黃炒減半一方燒存性霹  
靂酒下然此藥氣惡難喫燒之存性極妙一方治  
婦人經血不止加當歸兩片酒一鍾與藥末同煎

服昔親戚黃守正卿為和劑局曰內子凌夫人忽  
苦此疾危殆百藥不効偶得此方旋服遂愈

雲治血崩不止五靈脂二錢炒熱加當歸酒同煎或  
水酒童便各半盞同煎服一方五靈脂半生半熟為  
末酒調服一方水煎五靈脂半乾去渣澄清再煎成  
膏入神麩末為丸如桐子大空心溫酒下二三十丸  
便止

又方

鹿茸

醋炙

當歸

各錢

蒲黃

半兩炒

右為末

溫酒調下五錢匕日三服

仲桂枝茯苓丸

治婦人有癥在臍上動下血不止

方見胎動下血

右四方消汚血

補養垣當歸芍藥湯

治婦人經脉漏下不止其色

鮮紅時值七月處暑之間先因勞役脾胃虛弱氣短逆自汗不止身熱悶亂惡見飲食亦不思食沉困嬾倦四肢無力大便時瀉後復因心氣不足其經脉再下不止惟覺氣下脫其元氣逆上全無惟覺心腹中氣不行氣短則不能言是無力以言非懶語也此藥主之

黃芪 壹兩半

白朮

蒼朮 泔浸去皮

當歸身

白芍藥

各伍錢

甘草

炙

生地黃

各叁分

柴胡

貳分

熟地黃

陳皮

去白各伍分

右十味爲麤末作二服水煎去滓熱服空心一服之後漸減次日諸證悉去頓喜飲食所以者何蓋氣通而聞飲食之香得平康故也

**薛**

一婦人面黃或赤覺腰間或臍下作痛四肢困倦

煩熱不安經行先發寒熱兩肋如束血湧如崩此脾胃虧損元氣下陷與相火濕熱所致用補中益氣加防風芍藥炒黑黃檗間以歸脾湯調補而血始歸經



汪石山治一婦年逾四十形色蒼紫忽病血崩醫者或用涼血或用止澁俱罔効診之六脉皆沉濡而緩按之無力乃氣病非血病也當用甘溫之劑健脾理胃使胃氣上騰血循經絡則無復崩矣遂用補中益氣湯多加參芪兼服參苓白朮散崩果愈

補血

金匱膠艾湯

治勞傷血氣月水過多淋瀝漏下連

日不止臍腹疼痛及妊娠將攝失宜胎動不安腹痛下墜或勞傷胞絡胞阻漏血腰痛悶亂或因損動胎上搶心奔衝短氣及因產乳衝任氣虛不能約制延引日月漸成羸瘦

方見前月水不斷條

薛一婦人久患血崩肢體消瘦飲食到口但聞腥臊口出津液強食少許腹中作脹此血枯之證肺肝脾胃虧損之患用八珍湯烏鰾魚骨圓兼服兩月而經行百餘劑而康甯如舊矣

補心 柏子仁湯 治婦人憂思過度勞傷心經不能藏血

遂致崩中下血不止

柏子仁

炒

香附子

炒去毛

芎藭

鹿茸

火燎去毛酒蒸焙

茯神

去皮木

當歸

各壹錢半

阿膠

小草

各壹錢

川續斷

貳錢

甘草

炙半錢

右作一服水二鍾生薑五片煎至一鍾空心服

補脾升陽垣經水漏不住有二補前人之闕 婦人

脾胃虛損致命門脉沉細而數疾或沉弦而洪大有  
力寸關脉亦然皆由脾胃有虧下陷於腎與相火相  
合濕熱下迫經漏不止其色紫黑如夏月腐肉之臭  
中有白帶者脉必弦細寒作於中有赤帶者其脉洪  
數病熱明矣必腰痛或臍下痛臨經欲行而先發寒  
熱往來兩脇急縮兼脾胃證出見或四肢困熱心煩  
悶不得眠臥心下急宜大補脾胃而升降氣血可一  
服而愈或先貴而後賤或先富而後貧病名脫營者

心氣不足其火大熾旺於血脉之中又致脾胃飲食失節火乘其中形質肌肉顏色似不病者此心病也不形於脉故脾胃飲食不調其證顯矣而經水不時而下或適來適斷暴下不止治當先說惡死之言勸諭令懼死而心不動以大補氣血之劑補養脾胃微加鎮墜心火之藥治其心補陰瀉陽經自止矣痿論云悲哀太甚則胞絡絕胞絡絕則陽氣內動發則心下崩數澀血也故經曰大經空虛發則肌痺傳爲脉痿此之謂也

益胃升陽湯

治血脫益氣古人之法也先補胃氣

以助生長故曰陽生陰長諸甘藥為之先務舉世皆以為補氣殊不知甘能生血此陽生陰長之理也故先理胃氣人之一身內穀為寶

黃芪 貳錢

人參 有嗽者去之

神麴 炒各壹錢半

升麻

柴胡 各五分

白朮 叁錢

當歸身 酒浸

甘草 炙

陳皮 各壹錢

生黃芩 貳錢瀉盛暑之伏金肺逆秋涼不用

一方用生地黃

右為麤末每服三錢或五錢如食添再加之如食減已定三錢內更減之不可多服每服二錢水煎去滓熱服如腹痛每服加白芍藥二分中桂少許



如渴口乾加乾葛二分如嗽去人參服不計時候

蓋先服此益胃氣升陽湯不止却服後方柴胡調經湯大舉大升之也

升陽宣德侯經歷家人病崩漏醫莫能効切脉之後且以紙疏其證至四十餘種為制調經升陽除濕湯療之明日而十減其八前後五六日良愈

調經升陽除濕湯 治女子漏下惡血月事不調或

暴崩不止多下水漿之物皆由飲食不節或勞傷形體或素有心氣不足因飲酒勞倦致令心火乘脾其人必怠惰嗜卧四肢不收困倦乏力無氣以動氣短上氣逆急上衝其脉緩而弦急按之洪大

皆中指下得之脾土受邪也脾主滋榮周身者也  
 心主血血主脉二者受邪病皆在脉脉者血之府  
 也人者脉之神也心不主令胞絡代之故曰心之  
 脉主屬心系心系者胞絡命門之脉也主月事主  
 孕皆由脾胃虛而心胞乘之故漏下血水不調也  
 况脾胃為陰陽之根蒂當除濕去熱益風氣上伸  
 以勝其濕又云火鬱則發之

柴胡

防風

甘草

炙

藁本

升麻

羌活

各壹錢

蒼朮

黃芪

獨活

各壹錢半

當歸

酒浸各伍分

蔓荊子

柒分

右哎咀水五大盞煎至一大盞去滓稍熱服空心服藥畢待少時以早饑壓之可一服而已如灸足太陰脾經中血海穴二七壯或三七壯立已此藥乃從權衡之法用風勝濕爲胃氣下陷而氣迫於下以救其血之暴崩也若病愈經血惡物已盡主病雖除後必須以黃芪甘草人參當歸之類數服以補之於補氣升陽湯中加和血藥是也若經血氣惡物下之不絕尤宜救其根源治其本經只蓋脾胃退心火之亢乃治其根蒂也若遇夏月白

帶下脫漏不止宜用此湯一服立止

柴胡調經湯 治經水不止鮮血項筋急腦痛脊骨

強痛不思飲食

羌活

獨活

藁本

升麻 各五分

蒼朮 壹錢

柴胡根 柒分

葛根

當歸身

甘草 炙各叁分

紅花 少許

右咬咀作一服水煎去滓稍熱空心服微汗立止  
一婦人經候黑血凝結成塊左廂有血痕水瀉不止  
穀食有時一化有時不化至今歲四月血塊暴下併

水注俱作是前後二陰有形之血脫竭於下既久經  
候尤不調水瀉日見三兩行食罷心煩不快飲食減  
少甚至瘦弱東垣先生曰夫聖人治病必本四時升  
降浮沉之理權變之宜若不本四時以順爲逆非其  
治也且治之大法必先歲氣無伐天和無盛盛無虛  
虛遺人天殃無致邪無失正絕人長命故聖人云陽  
盛陰虛下之則愈汗之則死陰盛陽虛汗之則愈下  
之則死大抵聖人立法各自有義且如升陽或發散  
之劑是助春夏之陽氣令其上升乃瀉秋冬收藏殞  
殺寒涼之氣此病是也當用此法治之乃升降浮沉



之至理也夫天地之氣以升降浮沉乃從四時如治病逆之則殺人矣故經云順天者昌逆天者亡可不畏哉夫人之身亦有天地四時之氣不可止認在外人體亦同天地也今經漏不止是前陰之氣血已下脫矣水瀉又數年不愈是後陰之氣血又下陷矣後陰者主有形之物也前陰者精氣之門戶俱下竭是病人周身之氣常行秋冬之令陰主殺此等收藏之病是也陽生陰長春夏是也在人身之中令氣升浮者穀氣上行是也既病則周身血氣皆不生長穀氣又不升其肌肉消少是兩儀之氣俱將絕矣既下元

二陰俱脫血氣消竭假令當日元是熱證今下焦久脫已化爲寒矣此病久沉久降寒濕太勝當急救之瀉寒以熱降濕以燥大升大舉以助長生補養氣血不致偏枯聖人立治之法云濕氣大勝以所勝助之助甲風木上升是也故經云風勝濕是以所勝平之也當調和胃氣次用白朮之類以燥其濕而滋元氣如其不止後用風藥以風勝濕此之謂也此藥便是大舉大升以助春夏二濕之久陷下之至治也又一本云此病次用四物隨濕證加減

**大獨聖散**

治婦人血崩不止用防風去蘆不以多

少為細末酒煮白麩清調下二錢空心食前日二服更以麩作糊酒投之極驗

治血崩夏枯草為細末每服二錢米飲調下無時服

〔干〕治崩中不止芎藭八兩清酒五升煎至二升半分

三服不耐者徐徐進之

義云芎不可久服令人暴死

右大舉大升之劑治崩脉沉弦而洪或沉細而數者皆胃氣下陷也或崩而又久瀉者亦胃氣下陷也故舉之升之其病愈也

養血行氣加減四物湯 治室女二七天癸至亦有

當時未至而後至者亦有卒然暴下淋瀝不止至

有若崩漏者失血過多變生諸證悉宜服之

川芎

熟地黃

洗焙

川當歸

去蘆酒潤切焙

白芍藥

各壹兩

香附子

炒去毛壹兩半

右咬咀每服四錢水一盞半生薑五片煎至七分去滓食前溫服如血色鮮而不止者去熟地黃加生地黃煎服

補中去積丁未年冬郭大方來說其妻經水暴崩不止先曾殞身失血自後一次經數日而來今次不止其人心窄性急多驚以予料之他日必因心氣不足飲食失節得之大方曰容到彼診得掌中寒脉沉細

而緩間而沉數九竅微不利四肢無力上喘氣短促  
 口鼻氣皆不調果有心氣不足飲食失節脾胃虛弱  
 之證胃脘當心而痛左脇下急縮有積當臍有動氣  
 腹中鳴下氣大便難諸虛證極多不能盡錄擬先治  
 其本餘證可以皆去與安心定志鎮墜其驚調和脾  
 胃大益元氣補其血脉養其心神以大熱之劑去其  
 冬寒凝在皮膚內少加生地黃去命門相火不令四  
 肢痿弱黃芪當歸人參湯

黃芪

人參

麻黃

不去節實  
表閉汗

黃連

鎮心驚  
各壹錢

當歸

壹錢半

草豆蔻

柒分

神麩消食去脾胃寒

桂枝必先歲氣無伐天和也 陳皮各伍分

杏仁玖箇研如泥

生地黄叁分去腎火大去冬月相火之旺

右為釐末水三大盞先煮麻黃數沸去滓入前藥

同煎至一大盞於巳午之前食消盡服之其胃脘

痛乃胃上有客寒與大熱藥草豆蔻丸一十五丸

其痛立止再與肝之積藥除其積之根源而愈

地黃丸 治足三陰虧損經行數日不止或兼帶下

無子

熟地黄自製

山茱萸內 蕪荑仁

白芍藥微炒

代赭石各壹兩 乾薑炮



白殭蠶炒

厚朴薑製各  
叁錢

右為末蜜丸桐子大每服五十九空心温酒下日

三服

右虛挾積滯而崩嘗治一老婦人血崩不止流流

不絕滿牀皆血起牀不得者三月矣腹滿如孕予

作虛挾痰積汚血治之用四物四兩參朮各壹兩

甘草半兩以治虛香附三兩半夏壹兩半茯苓陳

皮枳實縮砂元胡各壹兩以破痰積汚血分二十

貼每貼煎乾加荷葉側柏葉湯再煎服之服盡良

愈今再不發神効

涼劑素陰虛陽搏謂之崩

垣涼血地黃湯 治婦人血崩不止腎水陰虛不能

鎮守包絡相火故血走而崩也

生地黃 當歸尾 各半錢 黃連

黃檗 知母 藁本

川芎 升麻 各貳分 紅花 少許

柴胡 防風 川羌活

黃芩 細辛 荆芥穗

蔓荊子 甘草 各壹分

咬咀作一服水三盞煎至一盞去滓空心稍熱服

足太陰脾之經中血海二穴在膝臏上內廉白肉際二寸中治女子漏中惡血月事不調逆氣腹脹其脉緩者是也灸三壯足少陰腎之經中陰谷二穴在膝內輔骨後大筋下小筋上按之應手屈膝取之治膝如錐不得屈伸舌縱涎流煩逆溺難少腹急引陰痛股內痛婦人漏下不止腹脹滿不得息小便黃如蠱女子如妊身可灸三壯

**大**小薊湯

治崩漏不止色明如水得溫則煩悶者

此陽傷於陰令人下血當補其陰脉數疾小者順大者逆

小薊莖葉

研取汁

生地黄

研取汁各壹盞

白朮

半兩剉

右三件入水一盞煎減一半去滓溫服

芎藭酒 治崩中晝夜不止醫不能治

芎藭 壹兩

生地黄汁 壹盞

右用酒五盞煮芎藭一盞去滓下地黄汁再煎二三沸分為三服

治崩中去血不止

大小薊根

伍兩

白茅根

叁兩

右二味細切用酒五升煮取四升去渣分四服

丹漏下乃熱兼虛四物加黃連

奇効四物湯 治有熱久患血崩

當歸頭尾俱用

白芍藥

大川芎

熟地黄洗焙

大艾葉

阿膠蛤粉炒

黃芩去黑者 各半兩

右剉碎每服四錢水一盞半生薑五片煎七分空

心温服

有一醫療血崩往咬咀藥鋪市藥其方則四物湯加阿膠大艾也

為鋪索黃芩半兩加入藥內鋪家亦醫者曰此藥何為加黃芩醫曰非汝所知吾與此藥政以黃芩

為主夫心主血血得熱則行得寒則止病者一服而愈服至八服至今無恙又見數婦血崩者亦用

此醫以黃連解毒湯加大艾治無不効者又當量其虛實用之

雲金華散 治血室有熱崩下不止服温藥不効者

延胡索

瞿麥穗

當歸

乾薑

牡丹皮

各壹兩

石膏

貳兩

桂心 別研

威靈仙

各柒錢

蒲黃

半兩

右為細末每服三錢水一盞半空心温服日二

治崩中下血方 崩中藥多是用止血藥及補血藥

惟此方治陽乘陰所謂天暑地熱經水沸溢者

黃芩 不以多少

右為細末每服一錢霹靂酒調下一方荆芥煎湯

下近朝有王御醫直夜有一宮女血如山崩其時

暑月藥筒中只有大順散兩貼以冷水調服旋即



奏効以此知醫者要在權變也

治漏下五色亦治嘔血令人黃瘦虛弱

右用地榆三兩剉碎以醋一升煮十餘沸去滓食  
前稍熱服一合 本草注云地榆主帶下十二病  
一曰多赤二曰多白三曰月水不通四曰陰蝕五  
曰子藏堅六曰子門澀七曰合陰陽患痛八曰小  
腹寒痛九曰子門閉十曰子宮冷十一曰夢與鬼  
交十二曰五藏不定一方竹葉水煎服代茶甚解  
熱

**丹**經水多去不能住以三補丸加莎根龜板金毛狗

脊三補丸者  
芩連檠也

子和孟官人母年五十餘血崩一載僉用澤蘭丸黑  
神散保安丸白薇散補之不効戴人見之曰天癸已  
盡本不當下血蓋血得熱而流散非寒也夫女子血  
崩多因大悲哭悲甚則肺葉布心系爲之急血不禁  
而下崩內經曰陰虛陽搏謂之崩陰脉不足陽脉有  
餘數則內崩血乃下流舉世以虛損治之莫有知其  
非者可服大劑大劑者黃連解毒湯是也次以香附  
二兩炒白芍藥二兩焙當歸二兩焙三味同爲細末  
水調下又服檳榔丸不旬日而安 西園公治一婦

人年六十二歲血崩不止投黃連解毒湯四貼後服  
涼膈散合四物六貼卽愈此婦因悲哀太過則心悶  
急肺布葉舉而上焦不通熱氣在中血走而崩故効  
薛一婦人年將七十素有肝脾之證每作則飲食  
不進或胸膈不利或中脘作痛或大便作瀉或小便  
不利余用逍遙散加山梔茯苓神遠志木香而愈後憂  
女孀居不時吐紫血其病每作先倦怠而後發熱經  
曰積憂傷肺積思傷脾肺布葉舉是令子母俱病不  
能攝血歸經而致前證遂以前藥加炒黑黃連三分  
吳茱萸二分頓愈復因怒吐赤血甚多躁渴垂死此

血脫也法當補氣乃用人參一兩苓朮當歸各三錢  
陳皮炮黑乾薑各二錢炙草木香各一錢一劑頓止  
一婦人年六十四久鬱怒頭痛寒熱春間乳內時  
痛服流氣飲之類益甚不時有血如經行又大驚恐  
飲食不進夜寐不寧乳腫及兩脇焮痛如炙午後色  
赤余以爲肝脾鬱火血燥先以逍遙散加酒炒黑龍  
膽一錢山梔一錢半二劑腫痛頓退又二劑而全消  
再用歸脾加炒梔貝母諸證悉愈 一婦人因怒崩  
血久不已面青黃而或赤此肝木制脾土而血虛也  
用小柴胡合四物以清肝火生肝血又用歸脾補中

二湯以益脾氣生肝血而瘥此證若因肝經有風熱而血不寧者用防風一味爲丸以兼證之藥煎送或肝經火動而血不寧者用條芩炒爲丸以兼證之藥煎送無有不効 一婦人性急每怒非太陽耳項喉齒胸乳作痛則胸滿吞酸吐瀉少食經行不止此皆肝火之證肝自病則外證見土受尅則內證作若自病見用四物加白朮茯苓柴胡炒梔炒龍膽若內證作用四君子加柴胡芍藥神麩吳茱萸炒過黃連諸證漸愈惟月經不止是血分有熱脾氣尚虛以逍遙散倍用白朮茯苓陳皮又以補中益氣加酒炒芍藥

兼服而調

溫劑垣丁香膠艾湯

治崩漏不止蓋心氣不足勞

役及飲食不節所得經隔少時其脉兩尺俱弦緊而洪按之無力其證自覺臍下如冰求厚衣被以禦其寒白帶白滑之物雖多間下如屋漏水下時有鮮血不多右尺脉時微洪屋漏水多暴下者是急弦脉爲寒多而洪脉時見乃熱少合而言之急弦者北方寒水多也洪脉時出者命門包絡之火也黑物多赤物少合成屋漏水之狀也

川芎

丁香

各肆分

熟地黃

以瀉大洪脉



白芍藥

各參分

阿膠

炒陸分  
另後入

當歸身

壹錢  
貳分

生艾葉

壹錢  
後入

為細末作一服水二盞煎至五沸去滓入膠艾再

上火煎至一大盞空心宿食消盡帶熱服三服効

大治血崩

熟艾

如雞  
子大

阿膠

半兩

乾薑

壹錢

右麤末用水五盞先煎艾葉薑至二盞半入膠消

溫分二服空心服

芎藭湯

一名芎藭  
溫中湯

治帶下漏血不止及風虛冷熱

勞損衝任月水不調崩中暴下腰重裏急淋瀝不

斷及產後失血過多虛羸腹痛或妊娠胎動不安  
下血連日小便頻數肢體煩倦頭暈目暗不欲飲  
食

芎藭

黃芪

芍藥

乾地黄

吳茱萸

甘草

各貳兩

當歸

乾薑

各壹兩

右咬咀以水一斗煮取三升分三服若月經後因  
有赤白不止者除地黄茱萸加杜仲人參各二兩  
斷下湯 治衝任氣虛崩中漏下經脈不調每遇月  
候將來臍腹腰脚先痛漸減飲食四肢乏力及帶

下三十六疾悉能療之

人參 去蘆

熟地黃 洗焙

艾葉 醋炒 各壹兩

烏鰂骨 燒灰

當歸 酒洗 各貳兩

川芎 柒錢

乾薑 炮半兩

阿膠 蛤粉炒成 珠柒錢半

右咬咀每服五錢水一盞半煎至七分去滓食前

温服

治崩漏方

四物湯 壹兩

人參 貳錢

吳茱萸 壹錢

右剉碎每服半兩薑棗煎服食前五六服寒熱腹痛皆退崩漏未止續服後熟附丸

熟附丸

熟附子

木賊 去節

龍骨 煨

赤石脂

煨各半兩

川芎

當歸

各壹兩

右為細末醋糊為丸如梧子大每服五六十九食  
前米飲下 一婦人年五十已上經斷七年忽然

經行遂成崩漏發熱腹痛兩月不瘥予診其脉虛  
細疾數予曰此乃陰虛而致宜服此藥

鹿茸丸

治經候過多其色瘀黑甚者崩下吸吸少

氣臍腹冷極則汗出如雨尺脉微小由衝任虛衰  
為風冷客乘胞中氣不能固可灸關元百壯在臍

下正中三寸

鹿茸

燎去毛  
酥炙

赤石脂

製

禹餘糧

製各  
壹兩

艾葉

一方無

柏葉

附子

炮各半  
兩

熟地黃

當歸

續斷

各貳兩

右為細末酒糊和丸梧子大每服三十九空心温  
酒下一方煉蜜丸亦可

赤龍丹 治崩中不止

禹餘糧

炒

烏鰂骨

鹿茸

龍骨

石燕

煨

阿膠

當歸

乾薑

各等分

右爲末酒醋糊爲丸每服五十九溫酒下

紫金散 治月水過多崩漏帶下淋瀝不斷腰腹重

痛一切五色帶疾

禹餘糧

煨赤醋淬七次細研水飛泥乾秤參

白芍藥

川芎

熟地黄

附子

當歸

各壹兩

乾薑

炮

肉桂

各半兩

赤石脂

龍骨

各服並壹兩別研

右爲細末每服二錢入麝香少許米飲空心調下

白芷暖宮丸

暖血海實衝任治子宮虛弱風寒客

滯斷緒不成孕育及數墮胎或帶下赤白漏下五



色虛眩少氣胸腹滿痛心下煩悸自汗下血過多

禹餘糧製壹兩 乾薑炮

芍藥

白芷

川椒製

阿膠粉炒

艾葉製

川芎各柒錢半

右為細末蜜丸梧子大每服四十九米飲温酒醋

湯任下

和劑震靈丹 治崩中下血不止或脉虛細手足或

冷以芎歸湯加木香煎送下或陳皮香附子煎湯

下三丸或靈砂丹亦可兼治暴驚風九竅出血獨

參湯下方見雜病 泄瀉門

又方治崩中不止丁香二兩爲細末用酒三升煮取  
一升空心頓服 必効方用丁香百顆酒煎服  
又方益智炒爲細末鹽米飲調下

和劑暖宮丸

內補當歸丸

熟乾地黃丸

濟陰丹

禹餘糧丸

內灸散

皺血丸

紫石英丸

右諸方並治崩中帶漏並見前通治門及調經門  
薛表弟方健甫內五十歲辛丑患血崩諸藥罔効壬  
寅八月身熱體痛頭暈涕出吐痰少食衆作火治展  
轉發熱絕粒數日余診之曰脾胃久虛過服寒藥中

病未已寒病復起遂用八味丸料一服翌早遂索粥  
數匙再服食倍熱減痛止乃服八味丸而愈癸卯秋  
因勞役憂怒甲辰夏病復作胸飽發熱脊痛腰疼神  
氣怫鬱或作內傷或作中暑崩血便血煩渴引飲粒  
米不進昏憤時作脉洪大按之微弱此無根之火內  
虛寒而外假熱也以十全大補加附子一劑遂食粥  
三四匙崩血漸減日服八味丸始得全愈 大尹王  
天成之內久患崩自服四物涼血之劑或作或輟因  
怒發熱其血不止服前藥不應乃主降火更加腹脇  
大痛手足俱冷余曰此脾胃虛寒所致先用附子理

中湯體熱痛止又用濟生歸脾補中益氣二湯崩血  
頓愈若泥痛無補法則誤矣 錦衣楊永興之內患  
前證過服寒涼之劑其證益甚更加肚腹痞悶飲食  
不入發熱煩躁脉洪大而虛余曰此脾經氣血虛而  
發躁也當急用八珍湯加炮薑以溫補之緩則不救  
不信乃服止血降火之劑虛證蜂起始信余言緩不  
及治矣

虛脫  
者澁  
之

澀劑大治崩中下血不止小腹痛

芍藥

壹兩  
炒黃

柏葉

陸兩  
微炒丹溪  
云柏葉性多燥

右用水一升煎取六合入酒五合煎取七合空心

分爲二服一方爲細末酒調二錢一方有鹿角膠等分酒調治白帶臍腹痛

世牡蠣散 治月水不止衆藥不愈者牡蠣火煨研

細用醋調成丸再煨過通紅候冷研細出火毒却用醋調艾末熬成膏和丸如桐子大每服五十九

醋艾湯下

挾溼者燥之

燥劑雲柏黃散 療經血不止

黃芩 壹兩貳錢半

側柏葉

蒲黃 各壹兩

伏龍肝 貳兩

右咬咀水二升煎取八合分爲二服

又方 治患崩中不止結作血片如雞肝色碎爛

芎藭 拾貳分

阿膠

青竹茹 各捌分

續斷

地榆

小薊根 各叁分

當歸 陸分

生地黃

伏龍肝 各拾壹分

右用水九盞煮取三盞去滓分三服

衍治婦人血露蠶砂壹兩炒伏龍肝半兩阿膠壹兩

同為末温酒調空心二三錢以知為度 大比散無阿

膠

羅伏龍肝散 治氣血勞傷衝任脉虛經云非時忽

然崩下或如豆汁或成血片或五色相雜或赤白



相兼臍腹冷痛經久未止令人黃瘦口乾飲食減  
少四肢無力虛煩驚悸

伏龍肝 壹兩

甘草 半兩

赤石脂 壹兩

芎藭 參兩

肉桂 半兩

熟地黃

艾葉 微炒 各貳兩

當歸

乾薑 各柒錢半

麥門冬 去心 壹兩半

右為籠末每服四錢棗一枚水同煎

地榆散 治婦人崩中漏下不止

地榆 剉

蒲黃

白芍藥

白茯苓

柏葉 微炒

蟹爪 微炒

熟地黃

鹿角膠

搗碎炒令黃燥

漏蘆

各壹兩

芎藭

當歸

剉炒各柒錢半

伏龍肝

壹兩半

乾薑

炮

桂心

甘草

剉炙赤各半兩

右剉碎每服三錢水一中盞入竹茹一分煎至七分去滓食前溫服

右五方伏龍肝例蓋燥可去濕也前二方去濕熱後二方去寒濕按伏龍肝為止血之聖藥先賢治崩用旋覆花半夏治膈間濕痰而崩止者亦此意

補澀鹿茸散

治崩中漏下不止虛損羸瘦

鹿茸

貳兩去毛塗酥炙微黃

白龍骨

鼈甲

塗酥炙令黃去裘

熟地黃

白芍藥

白石脂

烏鰂魚骨

炙黃

續斷

各壹兩

肉苳蓉

壹兩半酒浸一宿刮去皺皮炙乾

右為細末每服二錢食前粥飲調下

柏葉散 治婦人崩中漏下不問年月遠近漸至黃

瘦四肢無力腹內疼痛不思飲食

栢葉

續斷

川芎

生地黃

當歸

龜甲

鼈甲

各壹兩半

禹餘糧

貳兩半

阿膠

牡蠣

地榆

赤石脂

艾葉

鹿茸 各壹兩

右爲細末每服二錢食前粥飲調下一方有丹參  
加鹿茸煉蜜和丸如梧子大每服三四十九空心  
用溫酒送下或醋湯亦可

補宮丸 治婦人諸虛不足久不妊娠骨熱形羸崩  
中帶下

白薇

牡蠣

白芍藥

鹿角霜

山藥

白朮

白茯苓

烏賊魚骨

白芷 各等分

右爲細末麵糊和丸如梧子大每服五十九空心

用米飲送下

鎮宮丸 治婦人崩漏不止或下五色或赤白不定

或如豆汁或狀如豚肝或下瘀血臍腹脹痛頭暈

眼花久而不止令人黃瘦口乾胸煩不食

代赭石 火煨 醋淬

紫石英

禹餘糧 製並 同上

香附子 醋煮 各貳兩

陽起石 火煨 細研

鹿茸 燎去毛 醋蒸焙

茯神 去皮木

阿膠 剉碎蛤粉 炒成珠

當歸 去蘆 酒浸

蒲黃 炒

芎藭 各壹兩

血竭 半兩 別研

右為細末用艾煎醋汁煮糯米粉糊丸如梧子大

每服七十九空心米飲下

血見黑則止治暴崩下血京墨爲末二錢匕同燒露  
蜂房爲末三指撮酒調服又方百草霜貳錢狗膽  
汁拌定分作二服當歸酒調下

世治血崩用葫蘆去子穰實荆芥穗燒存性飲湯調  
服

治室女血崩不以冷熱皆可服

荆芥

蓮房殼

各等分  
各燒灰存性

右爲細末每服貳錢空心米飲調下

十灰丸 治崩中下血不止

錦灰

黃絹灰

馬尾灰



艾葉灰

藕節灰

蓮房灰

油髮灰

赤松皮灰

櫻櫚灰

蒲黃灰

各等分

右研勻用醋煮糯米糊和丸如梧子大每服七十丸加至一百丸空心米飲送下

干灰散 治下血不止

錦片

木賊

櫻櫚

柏葉

艾葉

乾漆

鯽魚鱗

鯉魚鱗

血餘

當歸

已上逐味火化存性各等分研末

麝香

少許研

右研勻每服二錢空心溫酒調下

一笑散 治婦人血崩

右用新綿一口燒灰研末空心酒調下立止

治婦人經年血崩

香附子

貳兩炒赤

蓮殼

伍枚燒存性

右爲細末每服二錢空心陳米飲調下

世香礬散

治血崩香附子不以多少極酸醋浸一

宿炒焦爲灰存性每一兩入白礬末二錢米飲調

服空心神効一法用荷葉湯尤妙

大用香附子去毛炒焦黑存性爲細末用極熱酒調

氣滯者行

氣灰  
正之

下二錢於溫服不過兩服立愈昏迷甚者三錢匕如  
血山崩不止者亦能解之米飲調亦可許學士云治  
下血不止或成五色崩漏香附子是婦人仙藥也

砂仁不以多少新瓦上炒黑爲末米飲調一方益智  
仁炒黑爲末鹽米飲調下

世婦人血崩不止用檳榔燒灰存性研末以溫酒調  
下甚妙

大五靈脂散治婦人血崩諸藥不止者五靈脂炒令  
煙盡爲末每服壹錢溫酒調下一法每服壹錢水酒  
童便各半盞煎服名抽刀散

血汚  
者行  
血灰  
正之

琥珀散 治崩暴不止

赤芍藥

香附子

枯荷葉

男子髮

皂莢水洗

當歸

櫻櫚

炒焦存性

烏紗帽

是漆紗頭巾取陽氣上衝故也

右等分除櫻櫚外其餘並用麤片新瓦上煨成黑  
灰存性三分爲細末每服五錢空心童便調下如  
人行十里再一服七八服卽止若產後血去多加  
米醋京墨麝香少許 一法先以五積散加醋煎  
投一二服次服五靈脂散

衍黃牛角鯁用尖燒爲黑灰微存性治婦人血崩大

便血及冷痢白痢

大治漏下不止者鹿角燒灰細研食前温酒調下二

錢 又方桃仁燒灰研細食前温酒調下二錢 又

方亂髮阜角水洗淨燒為細末空心温酒調二錢

世治血久崩夏枯草燒存性為末空心米飲調下此

用灰與前用草不同

大荆芥散治婦人崩中不止用好麻油點燈多着燈

心就上燒荆芥焦色為細末每服三錢童便調下

簡治婦人漏下血不絕槐花鷺不以多少燒作灰細

研食前温酒調二錢匕

氣陷者升 氣灰止之

血熱者涼 血灰止之

寒者  
熱灰  
止之

產寶治崩中不止不問年月遠近用槐耳燒作灰為末以酒服方寸匕

大神應散治血崩不止桂心不以多少炒極焦存性為末每服一二錢米飲調下

楊氏家藏黑金散 治婦人血氣虛損經候不調崩

中漏下

鯉魚皮

黃牛角鯁

櫻櫚皮

破故紙

亂髮各壹兩

烏鰾魚骨

熟地黃

乾薑炮

當歸洗焙

木賊各半兩

血崩



右剉拌入磁瓶內鹽泥固濟候乾炭火五斤煨通赤烟盡埋土內令冷取研細每三錢入麝少許米飲空心調下

如聖散 治血山崩

櫻櫚

烏梅肉

各壹兩

乾薑

壹兩伍錢並燒存性

右為細末每服二錢烏梅酒調下空心食前服久患不過三服愈

治血崩屢効方

當歸

白芍藥

乾薑

櫻櫚

各等分

右各煨存性研為細末醋調以有節朱筋左攪四

脫者  
正之  
灰

十九轉食前服

又方用棕櫚白礬煨爲末酒調二錢服

烏金散 治血崩不止

棕櫚毛

燒存性  
壹兩

龍骨

服過  
貳錢

右爲細末研勻每三錢空心好酒調服二服立止  
梅飲子 治婦人血崩

右以鹽白梅燒灰存性爲末空心米飲調下

治婦人血崩方

右用烏梅燒灰研末以烏梅湯調下酒調亦可

又方

烏梅肥一宿取出去核研為膏  
百草霜研細

右搗和丸如梧桐子大每服三四十九空心以淡

醋湯送下日進一服

右三十二方皆燒灰黑藥經云北方黑色入通於

腎皆通腎經之藥也夫血者心之色也血見黑即

止者由腎水能制心火故也

羅方海治崩不定或淋淫經年者

白礬溶開成汁壹兩  
沒藥壹錢  
硃砂

黃丹各伍分

右件將白礬溶開成汁下餘藥細末一處攪勻就

成九子如彈子大每用一丸新綿裹內陰中立効  
運氣運氣血崩皆屬風火經云少陽司天之政初之  
氣風勝乃搖候乃大溫其病血崩是也

針灸摘經血過多不止并崩中心術同三陰交行

間各針訖灸之通理足小指上二寸刺二分灸二七壯

桑漏下不止心術摘英同三陰交太衝

東胞門不閉漏下惡血不禁氣門在關元傷三寸刺入五分

集血崩并漏下中極補子宮二寸半敗血不止

三陰交百勞風門中極腎俞膏肓

曲池絕骨

血崩

診

甲婦人不字陰暴出經水漏然谷主之 婦人漏血

腹脹滿不得息小便黃陰谷主之

千金云漏血少腹滿如阻體寒熱腹

偏腫

女子血不通會陰主之

女子漏血太衝主之

脉問曰五崩何等類師曰白崩者形如涕赤崩者形

如絳黃崩者形如爛瓜青崩者形如藍色黑崩者形

如衄血也寸口脉弦而大弦則為減大則為芤減則

為寒芤則為虛寒虛相搏此名曰革婦人則半產漏

下

又見諸見血

仲寸口脉微而緩微者衛氣踈踈則其膚空緩者胃

弱不實則穀消而水化也穀入於胃脉道乃行水入

於經其血乃成榮盛則其膚必踈三焦絕經名曰血崩

脉診婦人漏下赤白日久下血數升脉急疾者死遲者生  
診婦人漏下赤白不止脉小虛滑者生大緊實數者死

尺寸脉虛者漏血脉浮者俱不治

峻實其下亦有得全者

良婦人衝任二脉爲經脉之海外循經絡內榮臟腑若陰陽和平經下依時若勞傷不能約制則忽然暴下甚則昏悶若寸脉微遲爲寒在上焦則吐血衄血尺脉微遲爲寒在下焦則崩血便血大抵數小爲順



洪大爲逆大法當調補脾胃爲主

殺血心痛良婦人血崩而心痛甚名曰殺血心痛由  
心脾血虛也若小產去血過多而心痛甚者亦然用  
烏鰂魚骨炒爲末醋湯調下失笑散亦効薛前證  
若陰血耗散用烏賊丸收斂之若瘀血不散用失笑  
散行散之若心血虛弱用芎歸湯補養之若鬱結傷  
血用歸脾湯調補之 一婦人血崩兼心痛三年矣  
諸藥不應每痛甚虛證悉具面色痿黃余曰心主血  
蓋由去血過多心無所養以致作痛宜用十全大補  
湯參朮倍之三十餘劑稍愈百餘劑全愈